

JOCHAM POK MAG SINGO, JOMA OTUE MAN-GI GENO




Lesson 9 mar Novemba 29, 2025

“Doguru kuondeu mochiel motegno, yaye joma otue
man-gi geno; nimar kata sani alando ni abiro dwokonu
mwandu magu mane oyaki nyadiriyo” (Zekaria 9:12, Loko Manyien)



DHOUDI 12 MAG ISRAEL




Thoth kitap Joshua, sura 13 nyaka 21, wuoyo kuom pogo piny Kanaan e kind dhouidi mag Israel.

E kind weche ma nyiso gwenge, oganda, kod dhouidi, wanyalo neno piny mane osebedo pok mar Israel, to ma, e kinde nogono, ne pok gikawo chuth.

Tho mar Yesu miyo wabedo gi adieri ni sani waseyudo kaka gir keni piny mane Adam gi Hawa owito chon. Kata kamano, pod wan "joma otue man-gi geno" mar yude.

- A** Piny mane owiti
- B** Piny ma Nyasaye chiwo
- C** Kaw piny
- B'** Rit michno
- A'** Piny mane oyudi kendo



PINY MANE OWITI

"Kwom mano, Ruoth Nyasaye noriembe e puoth Eden, motere mondo odhi opur lowo ma nochueyego" (Chakruok 3:23)


Nyasaye noketo Adam gi Hawa mondo obed jotelo mag pinyini (Chak. 1:27-28), kendo noketogi e puodho mar Eden (Chak. 2:8).

Kane ok giwinjo wach Nyasaye, ne oriembgi kanyo (Chak. 3:23). Ne gisewito loch kuom Piny.

To Nyasaye ne nigi chenro ne dhano mar yudo piny mane olalno. E okang' mokwongo, ne omiyo Ibrahim, Isaka, kod Jakobo piny matin: Kanaan (Chak. 13:14-15).

Mos mos, mwandugo ne dhi landore e piny duto, kaka ng'eyo Nyasaye ne chopo e kind oganda duto kod pinje duto (Is. 11:9).

Wich teko mar Israel ne omiyo lokruok obedo e chenro mane oket chon. Nyasaye ne okawo kite moloko nyithind Ibrahim kowuok e kite mondo giyud giken i mag singo: wan (Luka 3:8; Jo-Hibrania 6:11-12).



PINY MA NYASAYE CHIWO

"Ruoth Nyasaye e wuon piny ngima, kaachieel gi gik moko duto manie iye. Ji duto modakie bende mage." (Zaburi 24:1)

Mana kaka Adam gi Hawa ne ok otimo gimoro amora mane omiyo giyudo puoth Eden, Ibrahim kod nyikwaye ne ok otimo gimoro amora mane omiyo giyudo Piny Mosingi. Ne en mich moa kuom Nyasaye.

Wanyalo pimo michno gi ot mopangi. Kata obedo ni Israel ne nyalo dak e piny Kanaan, pinyno ne pod en mar Nyasaye (Zab. 24:1).

Wuon ot ema ochung' ne rito tado, rito odundu mag pi, kod mamoko. Kamano bende, Nyasaye ema ne chiwo koth, orito cham, kod mamoko, mondo jo-Israel odag gi chir e piny ma Nyasaye nomiyogi.



Mana kaka e Eden, ne nitie chudo ma ne onego "ochul": winjo wach (T.Lawi 20:22). Adieri, ne en wach mar winjruok: hero Nyasaye kendo yudo gweth mage.




Nyoro, kaka kawuono, pod en mana wach mar yie (Hib. 11:9-13).

KAW PINY

**"Koro pog pinyini ni dhou di ochiko kande, kaachiel gi jo-
Manase konchiel" (Joshua 13:7)**

**Ka Joshua ne oseti, Nyasaye nochike mondo opog pinyino e kind
dhout Israel, moriwo nyaka gwenge mane pok gikawo (Joshua 13:1-7).**

**Pinyino ne en margi, to kata kamano, pod ne nyaka gitem matek
mondo gikawe. Nyasaye ok tim gimoro ka ok okalo kuom dhano;
Odwaro ni watim tich marwa.**



**Kata obedo ni ne gikedo mondo giyud
loch,loch mane giyudo ne ok nikech timbegi
mabeyo, to ne en mar Nyasaye (R.Chik 9:5).
Mana kaka Israel, wan bende ok wanyal timo
gimoro mondo wayud warruok gi pok mar
singo (Efes. 2:8-9; Gal. 3:29).**

**To ka ne gikedo ang'o monego watim
kawuono? Bang' warruok, Nyasaye dwaro gik
moko ariyo kuom jogo ma biro kawo giken
mage: winjo wach (Fil. 2:12); kendo bedo gi
erokamano (Hib. 12:28).**



RIT MICHNO

"Ka ng'ato ong'iewo lowo kuom wadgi, to lowono ok nobed mare nyaka chieng', nikech an e wuon lowo, to un, un mana jodakna" (Tim Jolawi 25:23)





Bang' yudo pok, ne nitie chike makende mane ochung'ne kaka ne itiyo gi lowono: higa mar sabato kod higa mar yueyo.

Higa mar Sabato, yo maduong' mar yango Sabato, ne miyo piny yueyo (T.Lawi 25:2-5). Rem luwo chikno ne en achiel kuom gik mane omiyo otergi e tuech (2 W.Nda. 36:20-21).

Higa mar yueyo (jubilee) ne oriwo dwoko lowo ni wegi machon, mondo ogeng' pogruok e kind oganda (T.Lawi 25:10, 23, 40-41).

Chutho mae tij injili: golo pogruok mantie e kind jomoko gi joma odhier, joma ndiko ji tich gi joma ondik tich, joma nigi nyalo gi joma onge nyalo, kendo oketowa duto kama romre, ka wayango cni waduto wadwaro ng'wono mar Nyasaye.



PINY MANE OYUDI KENDO

"Ginidag e piny mane amiyo Jakobo jatichna. E piny mane kweregi odakie. Ginidag kuno kaachiel gi nyithindgi kod nyikwagi nyaka chieng', kendo jatichna Daudi nobed ruodhgi mochwere." (Ezekiel 37:25)

Nikech ne ok giwinj wach, ne ogol jo-Israel e pinygi kendo ne obologi Babilon. To Nyasaye ne ok oweyogi.

Ne osingo ni obiro duokogi kendo, miyogi pinyno nyaka chieng', kendo keto Daudi kaka ruodhgi (Ezek. 37:25). To Israel ne ok bi bedo gi pinyno nyaka chieng', kendo Daudi ne osetho kuom kinde malach. To, kare en ang'o ma wach mane okorno nyiso?

Kae, oland Yesu Ruoth madier ma locho nyaka chieng'. Ng'atma, kokalo kuom rembe, miyowa bedo gi adier ni wabiro yudo pok mochuere.

En ema singruok duto chopo kare kuome (Rumi 15:8; 2 Kor 1:20). Kuome wayudo gueth sani kendo, e kinde mabiro, pok mag singo (1 Petro 1:3-4). Machiegni, tiendewa biro nyono Piny Mosingi



“Kuum dag winjo wach Nyasaye, Adam gi Hawa ne owito Eden, kendo ne okuong’ piny duto nikech richo. To ka oganda Nyasaye ne oluwo yore mane omiyogi, pinygi ne dhi bedo kod mewo gi ber kendo. Nyasaye owuon ema ne omiyogi chike mane tayo weche mag lowo, kendo ne nyaka gikonyre kode e duoko mewo mar lowo. Kuum mano piny duto, e bwo loch mar Nyasaye, ne dhi bedo gima ng’ato nyalo puonjorego adieri kuom weche mag Nyasaye. Mana kaka kuom rito chikene mag chuech piny onego okel mwandu mage, e kaka kuom rito chikene mag tim makare, chuny ji ne onego oler gik ma nyiso kit Nyasaye.”